

Na osnovu člana 16. stav (4). Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u vezi sa članom 139. stav (1). Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), razmatrajući Amandman I poslanice u Skupštini Zeničko-dobojskog kantona Ugarak Meldine na prijedlog Zakona o osnovnoj školi, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 104. sjednici, održanoj 27.07.2017. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman I Ugarak Meldine, poslanice u Skupštini Zeničko-dobojskog kantona na Prijedlog Zakona o osnovnoj školi.

II.

Zaključak sa obrazloženjem u kome su sadržani razlozi zbog kojih se ne prihvata Amandman I upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/17.
Datum, 27.07.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

OBRAZLOŽENJE

I. PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10) i članu 139. stav 1. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

II. RAZLOZI ZA DONOŠENJE

Poslanica u Skupštini Zeničko-dobojskog kantona Ugarak Meldina podnijela je Amandman I na Prijedlog Zakona o osnovnoj školi:

U članu 12. stav (3) Prijedloga Zakona o osnovnoj školi, mijenja se i glasi:

(3) Osnivač osnovne škole posebno osigurava finansiranje plaća nastavnika, stručnih saradnika i drugih radnika, stručno usavršavanje i obuku, opremanje kabineta, rad eksperimentalnih osnovnih škola, školska takmičenja, prijevoz svih učenika u jednom pravcu od škole pripadajućeg upisno-gravitacionog područja bez obzira na udaljenost mjesta stanovanja od škole, održavanje prostora škole, kupovinu školske opreme i učila.“

Stoga se predlaže neprihvatanje Amandmana I iz razloga što predloženi amandman iziskuje značajna finansijska izdvajanja, koja Budžetom Zeničko-dobojskog kantona za 2017.godinu nisu predviđena, a u 2016.godini npr. iznosila su 3.690.750,83 KM. U članu 12 u stavu (4) predviđeno je da: „ukoliko posebna komisija Vlade Kantona za procjenu saobraćajne ugroženosti učenika na pripadajućem školskom području utvrdi opravdanost zahtjeva škole za odobravanjem prijevoza na udaljenosti manjoj od 5 (pet) kilometra u jednom pravcu od škole pripadajućeg upisno-gravitacionog područja, Vlada Kantona, na obrazloženi prijedlog Ministarstva, može odobriti dodatni prijevoz učenika na tom školskom području“.

Time je smanjena saobraćajna ugroženost učenika na putu od škole do kuće i svaka situacija može se posebno razmatrati, a član 5 ., stav (8) tretira prvenstvo prava djeteta nad svim drugim pravima.

Isto tako, ne raspolažemo sa podatkom da dolazi do značajnog smanjenja broja upisanih učenika u prvi razred osnovne škole na području Zeničko-dobojskog kantona, pa je tako 2015/16. godine u prvi razred upisano 3759 učenika, u školskoj 2016/17. godini 3616 učenika, a u školskoj 2017/18. godini 3473 učenika, s tim da još uvijek nije završen drugi ciklus Programa obaveznog predškolskog odgoja i obrazovanja, te će se broj učenika upisanih ove školske godine povećati. Dolazimo do zaključka da eventualne uštede u Budžetu Zeničko-dobojskog kantona nije moguće napraviti, niti se stavka za prijevoz učenika može povećati po tom osnovu.